

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

Art. II. Utrum omnia præcepta Decalogi, omnesq[ue] actus virtutum, sint
de lege, naturæ?

[urn:nbn:de:hbz:466:1-78232](#)

ARTICULUS II.

Vtrum omnia præcepta Decalogi, omnesque actus virtutum, sint de lege naturæ?

27. **Q**uidam Jurisperiti afferunt sub lege naturæ contineri tantum prima principia prædicta per se nota, non autem conclusiones quæ ex illis deducuntur, cuiusmodi sunt Decalogi præcepta; hæc enim existimant ad jus gentium potius quam ad jus naturæ spectare. Alii qui verò Theologi censent, prorsus à veritate alienum esse, quod docet D. Thomas hic art. 3. nimirum omnes actus virtutum esse de lege naturæ, cum plura (inquit) opera virtutum non sint de præcepto, sed tantum de consilio. Pro resolutione, sit

§. I

Vraeque difficultas duplii conclusione resolvitur.

Deo primò, omnia præcepta Decalogi (excepto tertio de sanctificatione Sabbati, quod quantum ad determinationem temporis, est legis divinae positiva, & scriptæ) pertinent ad legem naturalem. Ita communiter docent Theologi & peritores Juristæ, quos referunt & sequitur Turrecremata, cap. Ius gentium. dist. 1. art. 1.

28. Probatur primò ex definitione juris naturæ, quod teste Aristoteles, Ethic. cap. 7. est illud quod ubiq. vim habet, videlicet ex ipsa rei natura, & non quia videtur vel non videtur, id est non quia voluntarie & arbitriarie instituitur. Vel ut alij dicunt, jus naturale est, quod nec genuit opinio, neq; humana aliqua institutio, sed ex sola ratione naturali vim habet: Atqui tale est jus quo omnia Decalogi præcepta, excepta determinatio diei festi observare tenemur; illud enim nec genuit opinio, nec humana aliqua institutio, sed ex vi solius rationis naturalis obligat; ut perspicuum est in cultu Dei, & honore parentum, homicidio, & adulterio, quorum illa ex vi solius rationis exequi, hæc verò vitare tenemur: Ergo omnia præcepta Decalogi; excepto tertio de sanctificatione sabbati, quantum ad determinationem temporis) pertinent ad legem naturæ.

29. Probatur secundò ex differentia qua reperiatur inter legem naturalem & positivam, lex enim naturalis in eo differt à purè positiva, quod illa supponit in objecto honestatem, quam præcipit, moralémq; necessitatem, & malitiam quam prohibet; unde qua per illam præcipiunt aut prohibentur, non sunt bona, quia præcepta, aut mala, quia prohibita; sed è contrariò sunt præcepta, quia bona & moraliter necessaria ex natura rei; vel prohibita, quia mala & naturaliter indecentia. At verò lex purè positiva, non supponit in objecto quod præcipit aut prohibet, moraliter necessitatem agendi aut omitendi ex ipsa natura rei, sed illam inducit; queq; per illam præcipiuntur, sunt tantum necessaria moraliter, quia præcepta; & queq; per illam prohibentur, sunt tantum mala & illicita, quia prohibentur per Decalogum, excepta determinatio diei festi, sunt bona & honesta, vel turpia & indecentia, ex ipsa natura rei, & seclusa quacunque lege positiva, ut constat in cultu Dei, & honore parentum, homicidio, furto, & adulterio: Ergo omnia præcepta Decalogi, cadunt sub lege

A naturæ, excepto præcepto sabbati, quod aliquid habet juris positivi divini, & aliquid juris naturalis. Quatenus enim cultus ipsius Dei præcipit, est de jure naturæ; siquidem natura satis docet, cultum esse Deo, pro collatis beneficijs, & pro supraemis ejus excellentia persolvendum; sed quatenus præscribit certū diē potius quam alterum, est juris divini positivi; natura enim hunc diem non præscribit, sed Deus solus eum observandum Adamo & Eva expresse præscript; eo quod, ut ait Scriptura, à creatione seu ab omni opere quod patraret, die septimo requieverit; & sic duntaxat fuit veteris legis abrogatione antiquatum per Evangelicam, in qua fabrato dies Dominica Christi resurrectione consecrata, colenda à nobis, successit.

Dico secundò, omnes actus virtutum esse de lege naturæ, si spectentur secundum suam rationem genericam, sive inquantum sunt virtuosi; non verò si considerentur secundum seipso, & in proprijs speciebus. Ita D. Thomas hic art. 3. ubi primam partem conclusionis hac ratione demonstrat: *Ad legem naturæ pertinet omne illud ad quod homo inclinatur secundum suam naturam: inclinatur autem unumquidque naturaliter ad operationem sibi convenientem, secundum suam formam, sicut ignis ad calcinandum; unde cum anima rationalis sit propria forma hominis, naturaliter inclinatio inest cuilibet homini ad hoc quod agat secundum rationem, & hoc est agere secundum virtutem; unde secundum hoc omnes actus virtutum sunt de lege naturali, dictat enim hoc naturaliter unicuique propria ratio ut virtuosè agat.*

Secundam verò ex eo probat, quod multa secundum virtutem sunt, ad quæ natura non primo inclinat, sed per rationis inquisitioem ea homines adinventur quasi utilia ad bene vivendum, ut patet in actibus iustitiae communitativæ, qui in empacione & venditione, alijsq; humanis contractibus exercentur.

Potest hæc conclusio, quoad utramq; partem, hoc exemplo declarari & illustrari: Actus temperantia v.g. secundum suam genericam rationem, seu ex genere suo, id est quatenus est actus virtuosus, talis est ut in eum natura inclinet, sive que ad legem naturæ dicitur pertinere: quod autem per abstinentiam à carnis, & per jejunium quadragesimale debet exerceri, hoc non est à lege naturali, sed positiva, pender enim ex voluntate & præcepto Ecclesiæ.

§. II.

Solvuntur objectiones.

Obijctio primò contra primam conclusio- nem: *Lege Omnes, ff. de justitia & jure, & lege Bona fide, ff. depositi, tribuuntur iuri gentium multa qua deducuntur ex primis principiis practicis per evidenter consequentiam, & pertinent ad præcepta Decalogi: Sed jus gentium distinguitur à jure naturali, ut docet D. Thomas quis. sequenti art. 4. Ergo præcepta Decalogi non pertinent ad legem naturalem.*

Respondeo: *Jus gentium duobus modis ultrapari posse, strictè scilicet & propriè, seu effectivè, id est, à gentibus institutum; & largè ac impræcriptè, seu subjectivè, hoc est ab omnibus gentibus observatum; quo pacto concidit cum iure naturali; cum enim ius naturale ab omnibus gentibus observetur, subjectivè & impræcriptè, ius gentium*

gentium dici potest, juxta illud Tullii Tusculanum secundum: *In omnibus gentium consensu, lex natura putanda est.* Quando ergo praedictis legibus, multa quæ deducuntur ex primis principiis practicis per evidenter consequentiam, & pertinent ad præcepta Decalogi, dicuntur ad jus gentium pertinere, usurpatur jus gentium secundo modo, in qua acceptance, ut ostendimus, coincidit cum iure naturali, subindeque ex illis legibus nihil contra primam conclusionem inferri potest.

³⁵ Objicies secundum contra secundam conclusionem: Opera virtutum quæ cadunt sub consilio, & dicuntur supererogationis, non sunt de lege naturæ; cum enim illa præceptiva sit, ea solum quæ cadunt sub præcepto, sub taliege cadet evidentia: Ergo falsum est, omnes actus virtutum esse de lege naturæ, ut docet S. Thomas h̄c art. 3.

³⁶ Confirmatur: Si opera virtutum quæ cadunt sub consilio, ut virginitas, & alia ad quæ non tenetur ex præcepto, essent de lege naturæ, consilium esset aetius legis naturalis: Sed hoc est falsum, ut patet ex dictis disp. 1. art. 7. ubi cum D. Thoma ostendimus esse quatuor tantum actus legis, nimirum præcipere, prohibere, permettere, punire: Ergo &c. Sequela Majoris probatur: Si haec opera essent de lege naturæ, lex naturalis inclinaret ad illa, sicut & ad alia: Sed lex naturalis non inclinat ad aliquod opus virtutis, nisi mediante aliquo actu legis: cum igitur ad praedicta opera cadentia sub consilio non inclinet medio præcepto & prohibitione, permissione, aut punitione, sed solum medio consilio, siilla sunt de lege naturæ, sequitur quod consilium sit aetius legis.

³⁷ Ad objectionem responder Vazquez, Concessio Antecedente, negando Consequentiam, quia, inquit, cum S. Thomas docet, omnes actus virtutum esse de lege naturæ, non loquitur de actibus virtutum qui cadunt sub consilio, & qui dicuntur supererogationis, sed tantum de actibus præceptis lege naturæ.

Verum haec interpretatio aperte repugnat menti. Doctoris, ut patet ex verbis ejus supra adductis, & ex ratione quæ utitur ad probandum nostram conclusionem, quæ universaliter concludit de omnibus actibus virtutum, cum omnes sint secundum inclinationem naturæ rationalis, ut virtuosi sunt, quæ est ratio D. Thomæ. Præterquam quod si D. Thomas tantum loqueretur de actibus præceptis legis naturæ, solum doceret quod omnes actus virtutum præcepti, sunt de lege naturæ, quod per se manifestum est, nec indigeret probatione: inquit si tantum horum vellet, videretur petere principium, & probare idem per idem, cum idem sit formalissime loquendo actu est de lege naturæ, quia præceptiva est, ut fateatur Vazquez, ac esse præceptum lege naturæ.

³⁸ Alter ergo objectioni respondendum est, distinguendo scilicet Antecedens: Opera virtutum quæ cadunt sub consilio, & dicuntur supererogationis, non sunt de lege naturæ; in propriis speciebus considerata, concedo Antecedens. In quantum sunt virtuosa, nego Antecedens, & Consequentiam. Solutio patet ex dictis in secunda conclusione, in qua cum S. Doctore ostendimus, quod licet omnes actus virtutum in propriis speciebus considerati, non sunt de lege naturæ, quia ad illos sic spectatos natura rationalis non inclinat; si tamen considererent ut

A virtuosi, sunt de lege naturæ, quia ratio naturalis dicitur esse studiosæ seu virtuosæ agendum. Quod ut magis declaretur,

Observandum est, dupliciter posse intelligi, quod ratio naturalis dicitur virtuosæ agere etiam in operibus virtutum quæ cadunt sub consilio, & supererogationis dicuntur: Primum taliter ut præcipiat facere illos in quantum virtuosi sunt: Secundum taliter ut præcipiat quod si sunt, virtuosæ fiant. Primum non dicitur ratio naturalis in illis, sed tantum in actibus præceptis iure naturali. Secundum verò dicitur tam in illis quam in omnibus procedentibus ab homine ut homo est, dicitur enim ratio naturalis, quod si homo operetur ut homo, secundum formam hominis operetur, & conformiter ad rationem, quod est virtuosæ operari. Intantum igitur dicimus, actus supererogationis & consilii, prout sunt virtuosi, esse de lege naturæ, in quantum lex naturalis dicitur, quod si sunt ab homine, virtuosæ & conformiter ad rectam rationem fieri debent.

Ad confirmationem nego sequelam Majoris, & ad illius probationem dico quod lex naturalis inclinat ad hujusmodi opera, ut virtuosa sunt, modo explicato, per actum præcepti, est enim lex præceptiva: prout sic autem non cadunt sub consilio, sed tantum prout in suis species considerantur.

Objicies tertio: Non omnia peccata sunt contra legem naturæ: Ergo neque omnes actus virtutum etiam naturalium ad legem naturæ pertinent.

Respondeo distinguendo Antecedens: Non sunt contra naturam animalem, seu omnibus animalibus communem, eo modo quo concubitus masculorum dicitur esse contra naturam, concedo. Non sunt contra naturam, id est contra rationem, que est natura hominis, nego. Quod ut magis explicetur,

Observandum est ex D. Thomâ h̄c art. 2. in natura hominis plures distingui gradus, entis, animalis & rationalis. Si spectetur juxta gradum entis, seipsum interficere dicitur peccatum contra naturam, quia quicunque quatenus est ens, seipsum conservare tenetur, juxta illud Tullii cap. 1. Offic. Principio generi animalium omni est à natura tributum, ut se, vitam, corpus, tueretur. Si juxta gradum animalis, peccata nefanda carnis, ut sodomia, bestialitas, & mollities, dicuntur contra naturam, quia contra inclinationem naturalem omnibus animalibus insitam pugnant. Si secundum gradum rationis, quælibet peccata dicuntur contra naturam hominis pugnare, quia contrariantur rationi, quæ est natura hominis, ut in Tractatu de peccatis fusè declaravimus. Nihilominus per antonomasiā, duo priora genera peccatorum pugnare contra naturam dicuntur, quia nefandissimum est committere id, à quo bruta ipsa, nec non entia omnia abhorrent.

Quærit D. Thomas h̄c art. 4 utrum lex naturæ sit una apud omnes? Respondeo que illam esse unam apud omnes & secundum rectitudinem & secundum notitiam, quod sua principia communia, quia quoad illa principia sic se habet ratio practica sicut speculativa, quæ procedit ex principiis, quæ sunt eadem apud omnes, & secundum veritatem, & secundum notitiam. Quantum verò ad quædam principia propria ex communibus deducta, docet non esse eandem apud omnes, nec quoad rectitudinem, nec quoad notitiam, quia quantum ad hoc aliter philosophantur.

dum est de ratione speculativa & de ratione practica; ratio enim speculativa versatur circa principia propria, que sunt necessaria, & impossibile est aliter esse, unde absque aliquo defectu inventur veritas in conclusionibus ex illis deducitis; ratio vero practica versatur circa contingentia, nimirum circa operationes humanas, quas aliquando contingit impediri: unde lex naturalis: quantum ad haec principia particularia, non est eadem apud omnes quantum ad rectitudinem & notitiam, sed solum ut in pluribus.

Ad maiorem hujus doctrinae explicacionem, querunt hisc aliqui, an dari possit ignorantia invincibilis, & excusans a peccato, eorum quae sunt de lege naturae. Verum de hoc sufficienter egimus in dissertatione de probabilitate, art 7. §. 3. in responsione ad quintam objectionem. Unde ad hunc locum lectorum remittimus, ne eadem hic inutiliter repetamus.

ARTICULUS III.

Vtrum lex naturae pati possit mutationem, dispensationem, abrogationem, vel derogationem, & interpretationem, vel epikiam?

§. I.

Quibusdam premisis, statuuntur quatuor conclusiones, quibus resolvuntur difficultates propositae.

¶ **N**otandum primò, duplice posse dari vel concipi mutationem legis; unam propriè dictam, quando lex ipsa mutatur in se, vel quia definit in se, ut quando ad tempus lata est, quo finito cessat, vel cum de justa sit iusta, vel quia abrogatur à superiori, vel quia restringitur per dispensationem; aliam impropriam & largè sumptam, quando nimirum fit mutatione ex parte materiae legis, per quam ipsa definit esse materia legis, & subiecta ejus obligationi: quae mutatione maximè locum habet in his quae pendent ab humano consensu & voluntate mutabili; ut in votis, juramentis, matrimonii & similibus.

¶ **N**otandum secundò, dispensationem legis differre ab irritatione, abrogatione, derogatione, & interpretatione ejusdem, quod dispensatio sit quando quis in aliquo casu ab obligatione legis eximitur, aliis ad legem ipsam manentibus obligatis; exempli gratia, infirmus dispensatur à lege jejunii propter suam infirmitatem, aliis qui fani sunt à lege obstrictis; irritatio, quando obligationis legis aboleatur & a se feratur ab aliquo, antequam peream perfectè obligetur, ut quando vota filiorum impuberum irritantur à parentibus; cùm enim nondum annos pubertatis attigerint, nondum perfectè per hujusmodi vota obligantur, ideoq; locus est ea à parentibus irritandi. Abrogatio est, quando lex absolute tollitur, seu aboleritur, sive per contrariam legem & consuetudinem, sive per desuetudinem, ut lex Apostolorum de abstinentia sanguine & suffocato, qua jamdudum desit, nec amplius obligat. Interpretatio vero, quando declaratur legē in aliquo casu minime obligare; sicq; communiter dicitur ad dispensationem legis opus esse potestate & jurisdictione; ad interpretationem vero & declarationem, scientiā & prudentiā.

¶ **N**otandum tertio, epikiam ex Philosopho §.

A **E**thic. 10. est legis emendationem, ubi deficit propter universale. Cùm enim lex debet esse universalis, & legislator singulos casus prævidere non possit, contingit ut in aliquo erret, & tunc utimur epikia, per præsumptam voluntatem legislatoris contra verba legis, eo quod, si ille adeset, in talis casu non obligaret. Verum, ut rectè observat Cajetanus 2.2. q. 120. art. 1. duobus modis potest lex deficit in aliquo particulari, negative scilicet & contrariè. Deficit negative, quando ita deficit, ut si servetur, nihil malum sequatur: contrariè, quando injustum est illam servare. In secundo tantum casu locum habet epikia, in primo, servanda est lex cum semper præstet custodia legis, quando nihil male ex ea sequitur. His præmissis, pro resolutione primæ difficultatis intitulō propositæ.

Dico primò, legem naturalem non posse pati mutationem in proprio, seu ex parte materiae.

Prima pars, quæ est D. Thomæ h̄c art. 5. facili potest suaderi ex dictis in primo notabilis: Nam, ut ibi dicebamus, tunc mutatione legis propriè dicta contingit, quando lex ipsa mutatur in se, vel quia definit in se, ut quando ad tempus est lata, vel cum de justa sit iusta, vel quia abrogatur à superiori, vel ab illo per dispensationem restringitur: At nullo ex his modis lex naturae mutationem pati potest, non enim potest per seipsum desinere, quia non est late ad tempus, sed sine termino. Neque potest de iusta fieri iusta, cum nihil præcipiat, quod non sit intrinsecè & ex natura rei bonum; nihil prohibeat, quod non sit intrinsecè & ex natura rei malum; neque enim bonum aut malum facit, sed offendit. Non potest etiam à Deo abrogari, vel per dispensationem restringi, ut ex infra dicendis constabit: Ergo mutationem propriè dictam pati nequit.

Quod vero mutatione impropria, & ex parte materiae, in eam cadere possit, manifestum est; materia enim circa quam lex naturae versatur, non semper eodem modo se habet, sed interdum variat, propter alias circumstantias occurrentes; unde fit ut illud quod erat de lege naturae, postea non sit de lege naturae: v. g. de lege naturae est, quod depositum sit reddendum, quando res in deposito constituta non petitur in damnum alicuius; sed quia potest contingere quod petatur in alicuius perniciem, tunc mutatur materia legis depositi, ratione cuius lex ipsa de reddendo deposito impropriè mutatur; nam antea dictabat depositum esse reddendum, quando scilicet non considerabatur hæc circumstantia; modò vero contrarium dictat, ratione talis circumstantie. Propterea tamen ratio formalis talis legis non variatur, quia hæc formaliter loquendo non fertur in rem absolute consideram, sine debitissimis circumstantiis, sed ut stat sub illo; dictat enim depositum esse reddendum, non tuncque, sed dum non petitur in perniciem alicuius, & non aliter: hoc autem nunquam varietur, nec variari potest, est enim intrinsecè bonum, sicut codere Deum, & honorare parentes.

Notandum tamen est, quod licet hæc variatione materia inveniatur in aliquibus præceptis legis naturae, non tamen in omnibus; sunt enim à qua, quæ nec ratione materia mutari possunt, cum materia illorum per se requisita, sit omnino invariabilis, ut patet in precepto de non mentiendo; mendaciū enim adeo intrinsecè malum est, quod nullā causā, ratione, aut fine